

雪巖叢稿

雪磯叢稿

五身

黃川果氏
文小蓮校并跋



咸豐八年五月得生丑經



重刻特科狀元雪磯先生詩集序

雪磯先生宋理宗朝特科狀元春陵人也其後嗣
詔來教戎庠出其所著詩稿及所對策示予且屬
為序夫詩言之成章者也必其志之正氣之完學
之粹然後發于言而成章雄渾和暢清新竒古可
以傳之當時垂諸永久觀雪磯先生詩可見矣先
生敷策宋廷有曰求天下之士以文不若淑天下
之士以道曰秉正直之氣節則發忠鯁之言議曰
詞賦不本乎理致日以雕鐫經義不求其指歸曰
以穿鑿此數言者其志之正氣之完學之粹豈不



槩可見乎故其聲于詩雄渾而無萎蕩之弊和暢
而無乖踈之失清新而出乎蕪陋竒古而脫乎凡
鄙可謂能詩也已然其自序云蚤歲雕鏤纂組溺
志詞章既而悔之方將鞭擗近裏以進聖賢之學
其敢以詩傳哉則先生涵養之純進修之篤過人
也遠矣又豈泛泛駕高談騁浮詞者之比乎稿凡
百五十餘篇其在當時友人羅季海胡雪江朱嗣
賢何克卿輩皆為刻梓世變既遠湮晦寢多第其
後世奕葉簪纓故得以傳之不替也今韶再加編
次故為題首簡使觀者有所徵也先生諱雷發字

聲遠雪磯其號云

時

正統丙寅五月既望

賜進士及第禮部尚書前翰林院脩撰西川周洪謨序



雪磯叢書序



僕非能詩者而亦好作詩蚤遊諸老之門或謂可
與言詩比歲渝江羅季海西湖胡雪江間亦採而
刊之然傳錄失真甚則雜以他人之作以魚目而
混驪珠僕得盜名之譏矣其可乎前歲歸自京師
繼懼憂患蓋不復言詩也嘗得李抑杪書必欲為
之刻梓即嘗謝之繼而友人朱嗣賢何堯卿捐泉
市梓又有請焉辭之再四而請益堅余詩本無可
傳而諸賢之軫念者如此僕不得辭矣切念蚤歲
雕鏤纂組溺志詞章既而悔之方將鞭擗近裏以

進聖賢之學其敢以詩傳哉古今言詩莫尚于老
杜嘗有詩曰文章一小技於道為未尊僕果能詩
猶犯老杜之戒况不能詩乎知道者當亮僕之心
而有以教之可也

時

寶祐丁巳朔樂雷發書



雪磯叢彙卷之一



宋寶祐癸丑特科狀元樂雷發

撰

後嗣教諭樂韶

韶

編集

知縣樂武

武

校正

歌行

九疑紫霞洞歌

猗歟竒哉紫霞之洞真天開千變萬狀不可述恍疑幻
出壺中之蓬萊湘濱兩姝不敢到悵望蒼梧雲縹緲爾
來三千三百年班龍空卧金光草我採姹女江華濱是
為三十六帝之外臣右持綠玉杖左携紫金經長歌天

上誥一呼開仙局列炬照深窈懸身事幽討群仙喜我
來驚笑欲絕倒何侯撫我頂偉遠拍我肩緣華贈我金
條脫明期分我紅景丹借問此何地指言太虛天翠霞
紫雲張寶幄懸黎結綠盤瓊瑤萬壘蒼苔荒石田誰呼
青龍耕紫烟虎嶽銅墻未遍識擬開寶藏紉雲笈差幾
水際披蓑翁應是錢鏗釣神龍仙人仙何多事驚世
駭俗變靈異或跣距足垂天雲或印短趾流沙淖或現
姑射處子身粉霞紅綬藕絲裙或示普陀大士形或持
簪柳垂寶瓔或插鏤象管或結火齋珍或琢玄圃玉或
布祇園金洞中之深不知幾百里但見縈紆屈折一里

一澗水人言有路通桂林乘興欲尋日華君吾聞洞中
大小洞天三十六帝遣列真分治局上界官府應更多
定知此洞今誰屬猗歟竒哉紫霞之洞真天開我上會
稽探禹穴復浮滄海登天台巖谷豈無竒眎此何塵埃
摩挲崖右題惡句記我杖屨敲雲來黃涪翁元漫叟目
力一生空宇宙澹巖陽華有何竒枉費篇章刻石竇

烏鳥歌

莫莫讀書莫讀書惠施五車今何如請君為我焚却離
騷賦我亦為君擘碎太極圖急來相就飲斗酒聽我仰
天呼烏鳥深衣大帶講唐虞不如長纓繫單于吮豪擲

管賦子虛不如快鞭躍的盧君不見前年賊兵破巴渝
今年賊兵屠成都風塵瀕洞兮豺虎塞途殺人如麻兮
流血成湖眉山書院嘶哨馬浣草花堂巢妖狐何人答
中行何人縛可汗何人丸泥封函谷何人三箭定天山
大尉若箕兮高劔柱頤朝談回軻兮夕講濂伊綬若若
定印纍九州博大方君今何之有金須碎作僕姑有
鐵須鉅作蒺藜我當贈君以湛盧青萍之劔君當報我
以太乙白鵠之旗好殺賊奴取金印何用區區章句為
死諸葛兮能走仲達非孔子兮孰却萊夷噫歌烏烏兮
使我心不怡莫讀書成書癡

寄雪蓬姚使君

贈君昆吾湛盧之寶劔青雀黃龍之巨航懸黎垂棘之
美玉都梁篤耨之名香佳人佳人在何處濯足洞庭望
八荒搗車翻辟止綠欲往從之道阻長倚寶劔兮翼
軫膠巨航兮沅湘玉以彰君子潔身之德香以表騷人
流世之芳我所思兮隔秋水天吳翕忽蛟螭翔佳人佳
人蹇誰與愛而不見心盡傷

胡料院出示車攻圖仍索俚作

九壤卧龍呼不起乳臭談兵空滿耳書生未識玉帳經
且抱此圖究終始姬家出車詠嬴家小戎詩衛家武剛

扞突騎馬家偏廂是羗夷只今車陣無人識天狗橫空
曬腥血胡人以鞍馬為家誰遇奔衝展竒策豫章先生
今孔明胷中森羅萬甲兵天衡地軸妙絕識內陣外陣
何縱橫千枝綠沉列虓虎萬臂黃間張白羽人言險野
難用車公獨規模掩前古車攻圖車攻說八采眉前曾
進徹世人苦謗陳濤斜却向齊門空鼓瑟今朝朱轡富
川頭絕江以北瞻神州李剛政要講車戰南渡勲業應
可收涇水黃鐵山碎雙輪快展幽燕地朗誦先王復古
篇他時此筆猶能繼

壺中天歌贈候明父

蓋頭即可居容膝即可安連雲大厦千萬間何如壺
中宇宙寬壺中何所有筆牀茶竈葫蘆酒壺中何所
為送飛鴻揮園絲牕前祝融老僧竹壁上九疑狂客
詩壺中主人知為誰談素仙伯雪鶴姿左攬玄微袂
笑移砥柱弄河水右拍長房肩飽食麟脯傾玉船蓬
萊山在何處勸君且占壺中住不會上到金馬門也
應不識崖州路探禹穴浮況湘脚下塵土鬢上霜我
到壺中如故鄉

謝楊孟溪縣丞惠以章墨

白首侯芭蜀江邊曾向君家傳太玄射熊草賦留殘

墨相應當日還渠得飄零蕭洒幾世孫解得膠法春
玄雲物理往來元莫測後世子雲還舊壁君家所有
更贈君君還贈我何慙慙感君慙慙復三歎努力西窓
磨鐵硯太玄難深吾不為願寫誠齋易傳探玄机

佳人兩童寄許東溪

木

衡之山鬱蒼蒼我有佳人在山之陽水難為佩兮雲
錦為裳愛而不見兮我心憂傷安得為鷗鷗凌風置
君傍衡之山鬱蒼蒼衡之江清且漪我有佳人在江
之湄朝食飴藟兮夕饌江離欲往從之兮我馬虺隤
安得為琴高泂波與君隨衡之江清且漪

古體

登瀛溪太極樓

岑樓跨層崖灌水翳顏沼曠哉宇宙心况茲展遐眺前
哲日以遠川麓被文藻芳甸馥荃蘅枉渚雜鳧鳥亭亭
沼中蓮冉冉庭下草扣寂參太極撫化領衆妙俗薄
神理乖力柔聖途杳英英考亭翁及心會天奧萬理
粲良言一誠貫元造勗哉登樓人畢景以此道深根
復深根篤行以為寶

送程營道官滿赴闕

高旻振爽籟蒼鴈鳴芳洲傾城餞茂宰鄉壑羅藻舟茂

宰蘊淵道厥源沂伊流字昉振仁策範俗惇聖猷夷
心灼理要政簡吏統周芳風被儒肆惠術淪農疇魯
封有馴翟張廷無訟牛慨茲戒徂兩離秉鬱綢繆贈我
茂叔蓮紉君晏子表慶宵睎鳳躍神囿瞻麟遊世道日
以隘氏瘼誰克瘳厲志抗遐業吹萬溥九州揆余忝
皇鑒敷文勉征愁行行重行行夷唐無駐舟

次韻李監丞月夕閔雨

種稔早欲槁蒺藜秋向榮哲匠軫民瘵慨此夜寃明
蓐收正楸斂肥遺何縱橫仰宵睎蟾曜聆埳佇鶴鳴
彼美玩華光芳罇酌蘭生崇榭歌窈窕秀質羅輜輶

節序孰不歡宅生念匪輕同胞正焦燈對酒何忍傾
恤喜限惛智同茲感陰晴淅上山雲起策策林颯驚
企彼天飄潤弭此農稯聲榮情發翰墨賞心謝籌觥
溥澤乃夙念穹爵豈所營榮賤有異分感茲反巖耕
次韻李監丞城西紀遊

叫舜問寥濶詠濂滌塵躡駕言城西遊慨彼徃哲遙
儀鳳不可呼駕鵝浴清瀟懷或光風杳蕙若吹涼颺
蒼梧隴雲愁廬阜太彫豈無人希周二有文規姚佔
畢末學陋俗溥神理銷沿流浮伊洛沂源窺羲堯執
中與太極萬古瞻魁杓察微篤強力賢聖諫匪遼舜

官翳灌木濂塾棲叢苔觀乎紀遊作悟彼進學條蘭卮
娛才彥豈謂磊砢澆得溪清賞惟理勝英藻超揆予
果何為農野勤畊穡景迫昧見道曷奉德化昭

次韻李監丞同劉玉淵遊七泉

世變如流水前哲嗟逝川良牧隆化本訪古漫叟泉
念茲名泉意感彼末俗偏淵竇與嵌臼杖屨聊回旋
不識漫叟心曷誦漫叟篇惻念軫蒼氓溥澤同一天
蟻聚與羔跪命義當益堅回邪乃敗德毋以已欲專
夸士五鼎辱穹爵或自鑄臨流歎澆風薄言傾酒船
浸泉旌吾志凍泉存舊傳漣漣滂沱直銘石昭萬

年無感發人黜指敲墨氈歲月亦云久古迹埋塵
煙泉根石已泐泉上樹欲仙森戟呵虎士誰能聽潺湲
理義著古今貴賤俱荒阡今公已泉遊陵谷尚未迂
勵俗振古道及茲誦惡圓劉侯同襟期賡唱揮彩椽漫
叟或有知騎鯨躍層淵彼哉賊君父圓曲工求權厲民
恣屠斫巧宦勒攀緣安得激七泉布作化雨宣

送網齋李監丞赴湖南提舉

吏統久已紊使選匪易為蝎虺何慕七鴻鴈何累三持
節豈不多曠職苟所私緬懷紫陽翁昔使東浙湄陳
臬糾官邪揚仁蘇民疲茲道有先後哲儒昭令規網

齋宅瀟牧邦懋灼帝知屬庶肅察察及稅驩鄉耆所學
蘊淵道寬嚴權理宜茲總全楚境歌此皇華詩位窮民
言邈壤廣吏蠹滋問俗職所重簡僚乃政基視聽貴遠
周緬微在可遺攬轡戒前路豈為好爵縻揆予忝英聆
懷德念別離別離果何念康濟乃所期懿茲遠大業
肇此咨度時勗哉振英采慰我湘民思

秋夜感懷

溽露沾灌莽華月流高旻陰嘯嘉此夜撫化悲蕭辰
蕭辰何所悲遊子多苦辛道峻壯力謝業遙昌志湮玄
鬚日以變豐景將遂淪堪輿一大宅美娥為旅人卉

木瓦榮落蛩蟀何吟呻氣隨稚耄變理勝邱喜均及
性樂天爵測化葆道真撫卷慨徃哲芳猷懇難親

雪磯叢書卷之二

宋寶祐癸丑特科狀元樂雷發

撰

後嗣教諭樂韶

編集

知縣樂武

校正

律詩

寄雪蓬姚史君

湘鱗六六寄相思
疎柳新蟬想別時
今夜各聽三楚鴈
秋風又老一年詩
梅花且補離騷闕
蕙苾應為史筆知
剪竹疑峯新製笛
待衝霜月訪桓伊
○史君時寓衡陽
謁山齋先生易尚書

淳熙人物到嘉熙聽說山齋六白髭文字盡傳融水後
精神如戰辟雍時靈椿終不爭朝菌著草惟堪養壽龜
細嚼梅花看總義只應姬老是相知

送桂帥鍾尚書赴召

老依牙纛撚吟髭又折梅花話別思吾嶺不遮鸞鳳詔
四方俱誦鱗魴詩人才真魏凋零後國事江淮倥傯時
賴有老臣經濟在快呼桂醕餞篙師

題鍾尚書北征詩稿

野雉江鷗滿故都秋風禾黍撚吟鬚六千里外驅旃旆
五十篇中見版圖金鉉尚期扶日御玉衡終合正天衢

書生亦有中原志那得君王丈二叉

呈廣西張提刑

陸續城邊按部歸梅花隨處撲征駓溪山有助吟題遍
獄市無冤訟牒稀竹屋聽猿眠碎月莎庭引鶴步斜暉
莫嫌瘴霧侵湘客滿路風霜冷象衣

罪言

愁殺瀟濱蟣虱臣亂山斜照獨含情人材不似深衣古
國勢何如楮幣輕石燕未蘇湘國旱木牛那濟蜀州兵
幸無杜老流離苦切莫吟詩到北征

閒居自遣

兩清桑樞長昔和誰能載酒訪揚家漢庭用少臣今老
魯俗皆冠我獨髮憂國苦無蠲念草看書喜對決明花
衰顏懶作江湖夢擬斲三桠養鬢華

又

許由溪上小屠蘇紅樹蒼山對一矐白髮功名惟劍在
青灯活計併錐無誰言荆楚多奇士却笑乾坤一腐儒
桐帽貂冠俱有分寄言兒輩莫椰榆

寄樓居朱漕

住近江心古寺邊幅巾應伴浙僧閒官銜自管金陵觀
冠業多依鴈蕩山出處要留青史看功名且逐白雲還

殷勤為祝樓居月好照橫舟漱碧灣

呈姚雪蓬史君

祝融應自勝崆峒且讀通書辯聖功事可語人甘受謗
詩能名世不嫌窮春邊採藥收湘芷月下調絃送楚鴻
賴有行人碑尚在棠陰依舊戀東風

雪蓬見示送趙東嚴巡部詩

皇華歌徹酒杯忙濟畔騷翁送范滂琴帶衡雲絃索閨
馬食湘篴轡絲香山中貍豹隨吟旆部內豺狼入按章
却笑詩寒吟骨聳愁看詵唱挾風霜

書蕭千岳集

向來陽陸共崢嶸吟到停雲趣轉精古似洞庭張雅樂
嚴如即墨歛殘兵茵陳終不肥方朔采芣何堪病冉耕
細讀殘編搔白首未應造物忌詩名

滕王閣下賦

越鄒蜀艇亂相俛風飽千颿帶兩開閣上鳴鸞今已往
江頭飛鷺只堪哀柳汀絮滿河豚賤桃塢花殘石首來
應接溪山吾不暇自憐白髮欠詩材

宿金灘

瀧吏崖翁是賞音江流泯泯對秋吟天蝦撲火帆檣晚
水狗捎魚島嶼深千里庭闈雲滿眼十年湖海鴈驚心

今宵客枕清如水稱讀西山夜氣箴

寄許介之

惹得詩名徧九州酒徒棊伴半公侯離騷甘隱魚鱗屋
樂府多傳鶴鵲樓醉葉幾窠藏菊徑蠹荷三畝護漁舟
中原應有棲蘭國空鎖吳鉤到白頭

聞邊報寄姚雪蓬

淮烽蜀燧照邊隅白髮憂時我腐儒楚客汀洲搴杜若
齊王沮澤索菰蒹自愛南游好久謫魯謀百事無
擬對祝融捫蝨話何時重將使君鬚

寄戴石屏

曾到元郎吟處吟雪蓬烟艇久相尋鳳鳴道國空詩句
鴈到衡峰只信音拾椽祠邊寒聽雨紉蘭院裏夜分衾
塞驢倘遂黃花約鴉嘴敲烟共握參○時石屏訪雪蓬

于衡陽

戊戌冬僕客桂林雪中趙叔愚司理書張思業
逢賈島絕句為寄今冬對雪感而有作

朔風桂水浸瓊沙曾共騷翁理釣槎對酒又吟端木葉
論詩還憶款冬花飢能驅我瓶儲罄老不饒人鏡影華
擬喚扁舟尋剡叟嶺梅瀟菊各天涯

寄仙巢先生鍾尚書

吹香亭上送飛鴻且把行藏寄蜀桐老境只須尋遠志
世途還要避沙虫公於天地初初憾道在丘園固未窮
曾是轅門投卷客應憐聽雪卧隆窮

寄蕭太山兄弟

梅花好處共心期曾擷天葩寄夢思兄弟自為千古計
江湖方誦二蕭詩貪泉定喜逢廉吏倭國何應拜老師
○蕭穎士事○賸擬尋君攀桂樹路遙誰肯借驢騎

蕭君見予有梅花且補離騷闕之句為之擊節雖
未相識蒙書二十首為寄故首句及之

送丁少卿自桂師移鎮西蜀

瓊海收共^兵玉帳閉又移齋艦泝浯灣三邊形勢全憑蜀
四路封疆半是山魏將舊聞侵劔閣漢兵今欲卷函關
○時會有三京之役○細傾瑞露論西事想在元戎指
畫間

訾家洲

竹塢松灣遍履痕斷碑無首野苔昏江山應識前賢事
裴柳今存幾世孫島霧海霞晉古意春猿秋鶴冷騷魂
何人會得登臨意閑嚼梅花伴酒樽

慈氏閣

崢嶸梵閣礙銀潢且對畦衣問馬王落日斷霞連楚粵

缺鍾壞像雜梁唐英豪已往雄圖歇棟宇猶存古意荒
惆悵石湖題柱在倚欄無句獨淒涼

雉山寺宋永初中有僧西顯誦法華經於此白
雉聽之而化至唐黃梅五祖弟子喜登告祖乞
巡禮五祖應以遇雉即止後至此開山本朝王
初寮有留題

蘇碑蘿石擁巖扃獨倚筇枝問大乘白雉苦無千歲種
青山空識六朝僧詩傳北岳刊新帖禪接西淮冷舊燈
擬鑿冰泓澆凍硯禊亭閒借法華騰

擬遊長沙至零陵忽動歸興

擬尋禹栢過長沙且泊愚溪問酒家
歲早可能飛石燕
秋高還看落天蝦
乾坤納納催霜鬢
岐路悠悠又菊花
惆悵草黃騏驎病
歸心依舊遠烟霞

袁家渴泊舟

往事誰能問水濱
停橈仍是薄西曛
樵漁空自存表姓
鳧鴈何應識柳文
釣艇分燈歸客艇
嶺雲拖雨接溪雲
梗楠蘭芷今何在
空使行人誤舊聞

小樣袁家窰竹居買酒

江遠衡門接旅津
鯉魚風歇水鄰鄰
湘醅三盞澆吟思
瀟碧千竿對老身
題壁未能行客醉
典琴不用主人貧

隔江誰掉高名麗
滿載鷓鴣捉錦鱗

餞雲壑唐使君赴邕州

憊勞竹畔擁雙旌
回首江籬隔楚汀
曾向前賢參學
開且教遠俗識儀刑
安南兵息塞烽冷
羅殿馬來蠻
草青悵望鈴齋何處是
遥瞻朱雀認詩屋

歸侍

石田茅屋野苔春
喜對庭闈語苦辛
客路本無如意
事瘴鄉難有却回身
且尋農耒耕湘兩
待看天女洗
韃塵門外黃旗邊
餉急可堪杯酒各傷神

寄吳茂遠

蘇公堤畔繫吟驢知在垂楊第幾株學校文章如畫
餅朝廷官爵似呼盧春吟應欠梅花在時事曾言楮
幣無惆悵湘湄分袂處今看細雨長蘼蕪

送史主簿之鄂渚就辟

囊中秋卷逼唐賢門外候芑問太玄才大豈堪栖枳
棘官清應只友蘭荃湘行又泛君山月淮績曾衝赤
壁煙擬借從君新句看試尋黃帽寄網船

又

宦途捷徑在三邊且駐吟舡贈馬鞭壯士苦無橫草
志將軍還用撤花錢韃兵猶未回燕鴨蜀耗何應問

杜鵑今日送君無別話看隨卻穀洗狼烟

送邵瓜坡試湖南漕舉

槐花匝路促湘行閩賦唐詩舊擅聲有志尚魯言國
事論心何止在科名畢方夜煽杭都火大角秋纏蜀
道兵莫作腐儒場屋話琅玕滿腹正須呈

送李公浴遊臨武

嶺梅瀟菊兩開情歲晚江湖載酒行客路欲依嚴挺子
瘴鄉已老少游兄瓦盆且話田家事肉食誰通鈍漢
名惆悵鞞張亭畔路雪鞭風帽又東征

贈江華尉熊伯巖

堂萱營柳伴吟哦黃綬仙翁鬢未皤對客不矜名第貴
論心惟在簡編多江頭魴鯉香農膳境內鷓臯冷夜
窠湘國詩盟今寂寞衰顏猶喜識陰何。謂陰鏗何
遜也

江華送熊清父遊廣州時予亦有衡陽之役
邂逅陽華且酒壺海鵬衡鴈各征途閑身俱被飢寒役
老境還看離別無鄉夢定應思款段客吟何用說媿隅
曾從仙叟參玄訣好訪安期採澗蒲

喜李景魏就能巖伯縣尉招

長歌白石草廬深今抱園絲就賞音溫飽不為兒輩計

行藏端見古人心鱣魚堂上春開帳瀟瀟灘前夜對
衾擬掛奚囊梅下聽謫仙應共隱仙吟

送友人之辰州觀省

路爲巢畔瘴雲低山徑如梯去馬遲正則自吟皇樹
頌廣微惟誦白華詩春風採藥桃花國落日尋碑蕙
次祠覓得丹砂能寄否溪亭送客鬢毛衰

雪磯叢書卷之三

宋寶祐癸丑特科狀元樂雷發 撰

後嗣教諭樂韶 編集

知縣樂武 校正

律詩

謁李梅亭

力援鯨牙氣貫虹
玉堂歸只守文窮
世無真魏扶吾道
人以乾淳望此翁
大地精靈浮筆下
國家命脉寄山中
緼袍羸駟柴仁路
正擬登門聽繫蒙

代送徐侍郎赴召

大厦誰堪任棟梁
試留齊艦問行藏
朝廷議論如春雨
吳蜀人材似夕陽
三漸向魯投砭劑
五寒今望起膏肓
擬看相業磨崖在
却到涪溪話別觴

聽友人談蜀道事

石棧天梯蕩戰塵
誰驅哨馬滿峨岷
看烏犬為君子
○元次山世化篇
○誰問沙虫化
小人韃智豈應
強兀木蜀材正自欠
吳璘細吟猛虎長蛇句
空對西風淚滿巾

送廣州劉叔治倅欽州兼守事

天涯亭畔擁提屏
丹荔黃蕉滿去程
皂蓋却迎新別

駕碧幢應憶老先生
象蹄印兩歸蠻國
鯨鬣掀潮撼海城
曾是鄉賢分守處
試尋醉石共題名
○余靖韶州人曾守欽

逢熊季可

暮雲春樹飽相思
今共秋風將白髭
北闕未知鸚鵡賦
南州空誦鷓鴣詩
旗亭尚喜髭能飲
客路誰知朔獨飢
賴有湘翁生計在
且吟九辨擷江籬

送李煥云赴恭城主簿

恭城山水接三湘
應覺他鄉似故鄉
官况不妨棲枳棘
客程還見食檳榔
寒暄未定宜加愛
事業無窮要

自強千古忠魂如可問試吟雛井漱吟腸

寄季伯輝

石樓峯下寄吟身靜掩桑樞琢楚珍
蘋草青莎招隱士暮雲春樹憶詩人
門無車馬多嫌僻家有圖書不似貧
擬借大鵬楷老眼何時樽酒得相親

舜祠送桂林友人

堯山分首舜山逢呼酒旗亭兩鬢蓬
客思且須論契濶詩交應不計窮通
兒曹富貴秋煙外前輩風流落葉中
明日吟船又何處渡江衣冷荻秋風

送董炎震歸攸縣

千菊溪頭話別情君行我住兩伶俜
山中有酒招元亮石上無禾養百齡
狼尾屋低苔漠漠龍鬚菜長水冷
○攸縣有龍鬚菜○故鄉語燕應堪聽
莫放扁舟過洞庭

贈衡山候霖

家住衡山茗塢深軒轅道士是知音
眾尊好酒聊同醉石鼎詩難莫浪吟
兩外虺隤寒食路花邊格襟故鄉心
却憐世上楊雄少腸斷候芭何處尋

送駱起謁襄帥廣西憲

知君無地種江籬看了衡山看九疑
客路不堪還話別

侯門何處可題詩吟青維帶行離岸唱白銅銀過習池
呼酒試澆征馬足繡臺油幕有相知

題豫章朱德父遊湘詩卷

醉呼仙叟共浮湘
緬載風烟滿錦囊
名是浦雲山雨
起詩連沅芷
澧蘭香好吟秋月
招元結莫賦朝雲惱楚
襄英巨老仙
今寂寞行人還解識玳璫
○德父到春陵
即有詩弔曾景建

常寧道中懷許介之

兩過池塘路未乾
人家桑柘帶春寒
野巫豎石為神像
稚子搓泥作藥丸
柳下兩姝爭餉路
花邊一犬吠征鞍

行吟不得東溪聽借硯村廬自寫看

題許介之譽文堂端平丙申桂林伯尚書鍾
公以遺逸薦東溪先生許侯于朝越明年得
旨補初品官衡州戶曹掾其誥詞於始則有夙
有譽處且嫺文辭之褒於終則有其以行義
教于鄉里之勉州里人士莫不榮之又明年
許侯乃於東溪之濱翔堂五間以為講道著書
之地仍摘天語舉文二字以張其名敬上賜也
堂成山齋先生為之記者詳矣當世之名卿才
大夫又為之賦詠者衆矣願侯晚生小子何足

言詩辱徵俚作不敢固以陋辭敬書二首以記
盛事併叙

聖天子始終褒勉之意庶得附姓名于不朽云
曾佐元戎洗綠林此翁何止擅詩聲久辭驃騎尋瓢飲
誰引鳴騶聒耦耕厚禮正羅溫處士浮名還汗耻先生
衡茅那識絲綸美尚擬升堂結社盟

又

姜夔劉過竟何為空向江湖老布衣造物忌名從右有
詩人得位似君稀聖朝自要求參木吾道何應賤蕨薇
晚節黃花須愛護且教湘士揖芳菲

濂溪書院弔魯景建

太極樓頭霽月寒斷絃絲綺不堪彈窓前自長濂溪草
澤畔還枯正則蘭蒼野騷魂惟我弔烏臺詩案倩誰刊
傷心空有金陵集留與江湖洒淚看

許介之以丞相周益公所為書古府四篇見寄
敬題其後

紙上珊瑚間木難曾敲黃閣却吟鞍賞音今有平園否
得句堪尋岫嶺刊鸚鵡夜棲金屋冷的盧秋戰玉關寒
春風歸鴈那知已寄與深宮絕塞看

讀繫年錄紹興八年以後事

婁敬金繒滿去，鞞便看雷雨潤。遐陬諸賢自抗排，雲議
宰相方深偃。月謀湘國乍聞悲，鵬鳥秣陵遠唱聽符鳩。
九原晏老今知否，搔首青編恨未休。

櫟攔吳大帝廟

赤壁濡湏事已虛，且依櫟攔酌芳壺。九原尚擬吞銅雀，
千載今惟記赤烏。湘浦有人脩舊祀，荊州無地展雄圖。
定知斫案英靈在，閑對祠前洗湛盧。

昭陵渡馬伏波廟

功名要結後人知，馬革何妨死裹屍。漢帝可能疑薏苡，
湘民却解薦江離。帑錢撩亂巫分胙，粉壁闌斑客寫詩。

墮水沾鳶無處問，灘頭斜照曬驢鷲。

訪蕭太山父子

仙桂靈椿各典刑，飄七姿韻激天鯨。家傳八葉鹽梅
種，詩接三蘇父子名。四海尽將看縣譜，一堂那許與文
盟。塵埃不敢相親炙，且汲淪溪濯客纓。

謁張兵部時守臨江新除湖南倉

東皇太一待新詩，共喜星槎泝楚涯。父老尽將看鸞
鷲，使臣應不問狐狸。江頭芳杜催行色，境內甘棠有去
思。細讀詔書搔短髮，瓣香那識帝王師。

蘇瑩中先往新淦過新喻訪之不遇賦詩為寄

王笥山前水拍空知君何處繫吟蓬敢輕竒士題凡鳥
謾有憂心詠阜螽沆芷澧蘭猶可寄江雲渭樹苦難同
門前草木皆詩卷獨倚簷簷嘯曉風

送蕭大山赴新興令

翡翠芙蓉去路荒許渾詩裏認封疆昔聞古佛傳宗印
今得吟仙綰縣章魚婢蟬奴供俎豆馬人龍戶雜耕桑
澹翁應解知心事試汲寒泉薦瓣香

訪菊花山人沈莊可

網尽珊瑚尽採珠只餐秋菊養詩臞永嘉同社聲名
在乾道遺民行輩孤我恨朱門無食客君言青史有

窮儒飢寒正用昌吾道且對鈴岡共撚鬚

懷二蕭

未會相見已相知楚粵江山棗萼詩每恨乾坤催我
老却於湖海識君遲機雲才藻今無幾管鮑襟期說向
誰靡靡亂山嘶瘦馬碧雲日暮正相思

踈拙

越冠齊瑟事皆非踈拙唯甘與世違客路鶯花愁裏看
故山煙雨夢中歸來薇有備淮南靜移粟無謀浙右飢
納納乾坤須俊傑湘翁祇合製荷衣

陳東甫酒闌舉作歸心只有杜鵑知之句猶未

成篇因為續之

歸心只有杜鵑知且倚裴亭共撚髭客路秋風吹杜若
故園春雨老辛夷○陳君撫州人○家貧未辨閑居賦
世濁空吟感寓詩邂逅江湖還別去岸花橋燕兩堪悲

贈別陳東甫呈尚書鍾公

洞庭濯足共題詩今聽驪駒離別離泣玉可能悲下
子買金只合鑄鐘期荷盤剪綠酒棲鷺鷥頂分絲補接
離斗酒毘肩聊自壯古來騷客例寒飢

登潭州懷雪蓬姚使君

賈井裴亭遍短筇紅塵歸騎又匆匆我尋桂樹吟招隱

君對蓮花誦易通今日江山勞別夢他年灯火課新
功濂溪最念初平老恨聽連床話未終

下攝市

吟到湘潭一葉黃賈胡踪跡正悲涼抱琴活酒異鄉客
打鼓發船何郡郎楚女越商相雜沓淮鹽浙楮自低昂
塵埃市井無人識濯足江頭望八荒

雲峰寺

擬尋峻嶺看蟠螭且解青鞋濯禹溪弔古猶疑九枝柏
談禪且問一莖藿虎爪崖樹供僧爨猿摸廊碑認客題
應接溪山無好句滿林空羨亂蟬嘶

到衡岳呈弟山長

閒依禹柏繫征驂猿鳥應猶怪賤蹤正擬開雲訪韓愈
可能避雨識茅容朱陵洞裏秋呼鶴紫蓋峯前曉聽鐘
欲踏青霞尋勝趣倦遊應許借吟筇

許介之館僕于東溪發贈別

洗耳泉頭漱晚涼西風衣袂水花香酒邊豪氣橫荆楚
燈下清談雜晉唐天地每窮真俊傑山林偏有好文章
試拈茹草同君舞後夜聞鷄月滿床

下第歸後李伯輝李景魏索近詩

吟遍吳頭楚尾春多慙才客問征塵振衣天目尋黃獨

濯足湘江詠白蘋宋五已慚稱進士陳三何用作詩
人錦囊元屬君家有今買漁經理釣綸

題李湛漢詩集後

楚砧岷葛飽清遊金節銀莧照幾州詩句多如姚少
監行程還似杜叅謀黃陵夜誦虞妃泣白帝春吟杜
宇愁擬問湛溪何處是夢隨閩國弄漁舟

贈李伯輝家譜詩

盪寇將軍後唐朝李邵家綠華雙薦者况復古今誇

雪磯叢彙卷之四

宋寶祐癸丑特科狀元樂雷發

撰

後嗣教諭樂韶

編集

知縣樂武

校正

七言絕句

詠史六首

高祖

逝驩走鹿各消磨
劔外功臣剩幾多
四皓兩生元不聽
故鄉枉費大風歌

陳勝吳廣

假號偷名只可憐
枉拋錢鏹弄戈鋌
隴頭燕雀應相笑
鴻鵠元來是項燕

韓信

愁看鍾室劈良弓
何不當時殺蒯通
今日真生成底事
只應娥媧是英雄

東方朔

蜥蜴盆邊解滑稽
且分社肉飽蛾眉
劉郎最怕秋風冷
那聽君言換殿帷

司馬相如

狗監無端薦薄情
鸛裘犢鼻帝鄉塵
當時最有文君

恨不識長門買賦人

班固

請室冤魂叫不聞
神丘隆碣謾遺文
平生詞藻誰知己
腐鼠孤雛却誤君

汴堤柳

萬縷春風宰汴堤
錦駟何處柳空垂
流鶯應有兒孫在
問著隋朝總不知

讀李群玉集

光順門前繫馬吟
弘文館裏翠雲春
却憐白首河西尉
枉作蓬萊獻賦人

又
指玦江頭弄釣舟
蘭花杜若滿芳洲
如何才子無騷思
只詠薔薇與石榴

與復古叔讀橫渠正蒙書

惆悵枯株與醉盤
雲橫太白夢魂寒
半生驕吝如蝸縮
自把西銘反復看

又

誰掘驪山起老師
竹林灯火共心期
年來後學輕前輩
看徹臯比罷講時

題楊從行湘詩卷楊即誠齋

仙雲寒鎖碧瑤天
突兀吟壇北斗邊
試問鳳凰誰得隨
竹林聽雪對床眠

又

叫雲吹玉舜祠邊
醉嚼瓊糜漱石泉
舊讀離騷今忘却
快披秋卷嗅蘭荃

次韻熊雲瀑秋夜見寄

吟落秋牕燭炮紅
想彈九辨入絲桐
荃蘅豈不如葵藿
誰繼幽風補楚風

無題

大裙褒衣走浙淮
何人不識鶴山來
只今心印誰傳

得自摺通書撥篆灰

撫州偶題

金柅亭邊柳拂城
春風繫馬酒家吟
塵埃滿面無人識
却得黃鸝作賞音

萍鄉病渴

犬子無從典驢驢
荒村忍渴望瀟湘
楚王萍實甜如蜜
不許詩人取次嘗

甲午社日客桂林

卮酒豚蹄客裏歡
石尤風緊菜衣單
東陽病骨如鷄鵠
最怯南州社日寒

桂林歲晚憶鍾尚書

塵滿湘翁薜荔衣
江湖歲晚鬢成絲
桂州楊五今何處
雪片梅花枉費詩

醉中偶成

醉敲茶臼嘯秋煙
苦欠高陽買酒錢
擬入亂山餐柏葉
石床閑對麝香眠

送友人遊昭州呈陳謙之金判

閩仙去補荔支譜
梅谷歸呈飛鷺秋
惟有瓜瓞共君在
馬蹄何苦又昭州

又

道鄉牽損袞龍衣
謫隨天涯詠楚籬
莫收蹇驢遊別處
拾青閣下有殘碑

又

鵬運堂前話別愁
治疇三度楚江秋
近懷莫向元龍
道問舍求田是韓頭

夏日偶書

螺贏啣虫入破牕
枕書一椀竹方床
家童偶見草頭字
誤認離騷是藥方

秋日行村路

兒童萬落帶斜陽
豆莢薑芽社內香
一路稻花誰是主

紅蜻蜒伴綠螳螂

新塗偶成

飛、綠鳳掛梅稍猶記
來時雪擁袍
今日歸舟新塗路
頭稚子賣櫻桃

贈吳季詩

燕子樓頭一曲春
曾騎驕馬擲黃金
如今世事漫頭雪
破屋孤燈忍凍吟

演教寺吊樓居朱漕

羅帶江頭蛻繡衣
人歸香草謝家池
祇今玉樹埋何處
惆悵僧房認得詩

又
穿塚難耐地下知
逢人多說項斯詩
今朝痛洒西州淚
萬里梅花欲放時

延真道院

滄流翠竹接仙扃
霸菜丹虬拱上真
擬就分玄翁分半
榻閑聽秋雨守庚申

訪趙愚齋不遇
謁者云入幕抵晚方歸
因成一絕寄奉

雪片梅花滿硯池
芙蓉幕裏客歸遲
今朝解了公家事
儘聽轅門報酉時
愚齋舊有詩云
無曹度日真堪愧

又聽轅門報酉時

史主簿以授庵習
豪見示敬題其後
併寄張宗瑞

姜夔荒塚白蘋深
鸞鴛無聲結綠沉
擬向鄱陽尋後社
只招張空聽君吟

又

吟了南樓到庫樓
塞雲邊目困雕鏤
只今南北無詩禁
曾有新編過韃不

術士醴陵丁夢營將之春陵有贈

看盡槐花買卜人
宏尊且認舊碑文
只今世上無清惠

却恐元郎解 君

又

綠水池邊舊釣磯 何時歸去濯征衣 千年城郭應無恙 祇怕風塵老令威

送歐陽平仲起鬱林教官

怯把詩書洗瘴茆 雕題墨齒盡同胞 天涯那得隨吟佩 試借叔堂講義抄

又

古來節婦比忠臣 昭悵明珠一窖塵 千古綱常君記取 題詩煩問墜樓人

鄉和王堯章韻

征衲無人補舊綿 蕭條客枕楚萍邊 撥殘石炭西牕冷 却憶山家榻拙烟

趙司法詩集自題近道蓋取工部所貽元隱居詩中語也

道書二絕

和遍陶翁飲酒詩 醉籠天地入鳩夷 細看官爵成何物 肯帶奚囊過九疑

又

浣花騷伯香雞 世上寧無元隱居 讀罷君詩三嘆息

斷絃綠綺定何如

聽廬山胡道士彈離騷

廬山道士菊潭仙前世滄浪握楚荃莫道離騷遺響絕
孤鈞寡珥尚能傳

又

弔湘誰解薦江萬忠憤冷々寫七絲愁絕九疑山下
聽重華應許就陳詞

題王克章竹香亭

滿池蜀錦照深衣
盡日憑欄課楚詞
要識此花香絕處
露涼風細雨晴時

又

對花味道興何長
好學顏家到生忘
莫與紅塵見輩道
心清正自得真香

又

故園荷屋傍漁溪
苦愛蓮花入夢思
今日題詩還自笑
江湖塵土鬢成絲

題昭州田廷亮書齋後

檳榔口裏吐參苓
折檻無門九虎深
家在道鄉亭畔住
定應千古有知音

又

少海無波鶴禁虛滿朝閉口養曹蜍白袍烏帽和寧外
却有山人請建儲

次韻熊雲瀑秋夜見寄

叫徹蒼梧望八荒暮雲秋客各淒涼此情未許傍人會
愁絕中庭月一方

雪磯詩集卷之四終

雪磯叢彙卷之五

宋寶祐癸丑特科狀元樂雷發 撰

後嗣教諭樂韶 編集

知縣樂武 校正

五言律詩

訪伯父幽居

對坐如禪舍閑燒石乳香書看新講義藥問未傳方僕
語梅花裏曾經竹案傍題詩吾豈敢牕戶半吟章

林桂懷李景魏

陽華萬疊雲無計得相尋所學皆時好何人知尔心莎

城百粵遠雪嶠一翁吟已是懷人極天寒祭水深

桂林送人之瓊州招捕海寇

警家洲畔路別尔苦多說戰令人喜耽吟與我同旌
旗楓鬼雨舟楫驚藤風想到瓊峯頂題詩更記功

與李盤翁知縣登七星山吊石道士

疊嶂轟空青耽竒共一尋苔荒碑意古若苦道情深有
興梯蒼壁無才詠玉簪吟仙何處去我輩復登臨

次韻史主簿雨夜見寄

水長許由溪春寒入竹扉幾人听夜雨惟我怯單衣樹
鐸青燈耿籬根白箇肥明朝有忙事推枕問漁磯

道中途老儒由蜀出

丙穴魚應好曾經問釣磯干戈今未定城郭是耶非
詩社尊黃髮候門薄布衣乾坤豺虎滿見尔一欵教

時事

時事如顏屋誰堪任棟梁國貧僧牒賤邊病檄書忙
有分憂宗社無才出舉場未應王謝輩揮淚送斜陽

逃戶

租帖名猶在何人納稅錢燒侵無主墓地占沒官田邊
國干戈滿蠻州瘴癘偏不知携老稚何處就豐年

登江華寒亭

到此脚跟酸千峯迥不看年深碑字淺日薄樹陰寒石
罇巢蜂乳籬根隨鳥殘愛吟還畏嶮不敢倚欄干

訪表叔李竹齋

門庭接豆根吟避市塵喧每愛詩無敵應知學有源雲
山供俎豆筆硯長兒孫愧我相遇數秋風酒一樽

擬長沙訪姚雪蓮至永而返賦此為寄

今傍南軒住應知理趣精通書多似易論語不言誠擬
欲聽微論猶能慰別情汀湖風浪隔腸斷楚鴻聲

雨夜讀陸放翁集

爐冷童吹火山房夜黯然濕薪添艾熱苦茗帶芎煎灯

暗瀟江雨詩吟笠澤烟老仙何處去搔首弔塵編

送黃天河

天河那可到山頂翠參差村屋煎黃蠟官爐照荔枝
地蠻遊宦少縣小迂賓遲鼻祖曾吟處荒苔想滿碑

呈趙叔愚司理

門戶垂楊白江湖半世看不應求五嶺却自建孤壇浙
社朋遊及唐詩氣詠寒今朝流水譜只向子期彈

夢訪劉漫塘曾雪巢二先生

前輩風流歇江湖欠賞音向期行古道誰解識余心月
浸金壇吟雲歸玉筍深瀟湘風雨夜空得夢相尋

青湘逢廷對人歸因問時事

南客帝鄉歸青袍照綠髭問知當世事解誦聖君詩
淮濁軍書急湘深邸報遲空傳廷試策常布說邊陲

南林寺

律院僧應俗庭荒草木刪無碑堪考古有客自看山竹
好惟嫌密雲多不自閑小溪知最近童俗夜方還

象石銘有序

九疑之麓為麗山有岩明通厥石如象予遊而愛之
遂命之銘而銘曰

百獸出王象實孔偉有崩斯石惟象是似巔上其

形嶢峩其齒我愛斯岩原象之美鍾竒曰南邈爾荒
齊服兮帝車維天子使相彼岳阿濟之多士邇教篤
學竣履實地任重致遠伊國之器地以人彰敢銘岩趾

雪磯叢彙跋

愚聞之太上立德其次立功其次立言是謂不朽夫
德蘊諸身心功成于事業言見於著述有內外相須
體用合一之道焉今岐而言之豈有脩諸身不見諸事
施于事不諸見言者乎要之人各有長而兼盡為難
其有得乎是者誠君子之異于人能不朽而存者也
足以語此者其唯我鼻祖雪磯先生乎先生生于有
宋叔季方五星聚奎開一代文明之運也當時科目
得人若呂蒙正之雅量王曾之持正韓琦范仲淹之謀
畧司馬光蘇軾之忠直文天祥之節義曰德曰功曰

言表表著于

難以殫述先生與諸公相後先

穎悟警敏博極群書居家以孝友見稱蒞官以忠義自許不為末世流俗所搖奪醞藉甚富所得誠深矣寶祐元年朝廷設科取士先生廷對萬餘言條答疏暢深切時弊登進士第一官授翰林職司敷文時元兵大起西北多虞公嘗為烏烏歌車攻賦勵志發憤折衝禦侮值時相當權昏庸猥懦竟不能用遂使大志莫酬可慨也已丙辰以病告歸繼罹憂制遂不起復閑居以詩文自遣要其旨趣幽深玄遠溫雅和平而其英邁之氣正大之情徃徃見于言表其所抱

負雖不獲少試而經論康濟之術六自可見先生之功德與言可謂並茂矣舊遺叢稿一帙歲久漸以敝訛愚恐格言至論將湮滅無傳重不仁孝之罪也公暇重加訂正期以傳之無窮庶乎公之立言由茲不朽而其思見公之功德者一展卷如在目中將不與呂王韓范司馬蘇文諸公後先媲美矣乎謹因錄成而遂言之如此

成化十七年龍集庚寅賜進士出身戶部主事嗣孫樂宣頓首書

辛酉正月三日未申校讀一過 小蓮戈表



雪磯先生七律最長故第二第三卷中予選其大半皆可讀者俟暇者別錄之 表二記

